

Sin in onn nov – sa tge ch'el porta?

DA FLAVIA HOBI

■ Probabel vai cun tuts tuttina. Mintga giada da Bumaun han ins il sentiment che quai era grad avant curt ed ins po strusch crair che schon puspè in onn è passà. Pia mussa igl ina giada dapli ch'il temp na guarda betg dretg u sanester, ch'il n'è betg da manar u influenzer.

Tgi sa, tge che l'onn nov porta? Tge surpresas, divertiments però probabel era muments nunemperaivels?

Jau giavisch sulegl cura ch'i para stgir e sumbriva, la forza da dumagnar crisas, buna sanadad, gronda engraziaivladad, dad esser mintgatant en il dretg mument al dretg lieu, da bajegiar punts nua ch'i para nunsurmuntabel, temps per siemiari, curaschi per novas entschattas, da laschar manar tras sia via e tschiffar schanzas nunspetgadas ed il talent da pudair viver il mument.

E sper tut quai natiralmain bun divertiment cun las «vuschs giuvnas»!



Venezia tar sulegl e sumbriva – ina bellezza citad cun bleras vias, colliadas tras punts uschia ch'ins chatta adina ina sortida.